



责任审校 吕可夫

熊治祁（5副）

挽陈兄善燠

从政务农，一串倒提岁月；
著书立说，几多痛饮流年。

手机

三寸见方，能知中外事；
每天得空，必看友朋圈。

乘舟夜泛桃江

两岸山形俱隐约，
一江月色正夷犹。

题小埠村农家乐塘边小亭

坐石观鱼，到此消尘虑；
凝神听鸟，凭栏看古樟。

集句题故乡杨、黄夫妇农家

杨柳堆烟，绿水人家绕；
黄花当户，青山郭外斜。

熊东遨（10 副）

陕州吴氏甘棠苑建成二十周年

复礼筑斯园，大爱无疆，声气直通周以上；
坐关邻老子，高风有自，守为俱在道之中。

题太空莲

巡礼驭东风，西子休惊，星辰手摘开先例；
凌波当夏日，春光莫笑，梅菊名高是后来。

岳麓印社成立十周年志庆

十载费经营，凭金石撑持，法效西泠开别径；
三湘增气象，得水云涵泳，势承南岳创新高。

夏日田心村即笔

烈马卧青山，隐阅古今，自谙其道；
灵禽巡碧水，漫观来去，足慰所思。

题半斋

守一半书斋，进可济人，退可娱己；
入两全佳境，商以试手，文以养心。

题段步庭先生《拂尘园》

老境缘深，步月庭前招鹤饮；
清时味足，拂尘松下枕书眠。

题补读山房

九所闲登，遥瞻海上初生月；
三余自律，补读人间未烬书。

贺惠来林氏宗祠重光

五百年风雨沧桑，新叶遍尘寰，终见宗祠光曲尺；
三千仞峰峦耸峙，祖根承孝义，定知国器出长林。

徐闻道中即笔

杯酒足论文，樟树湾前，茂德公家藏诸葛酿，期天下才人，
同来一醉；

仙源曾入梦，桃花洞口，烟霞侣夜泛武陵舟，对湖心皓月，
自乐三余。

题崇文馆

无尽风华，心上推崇文第一；
有何孤独，月边邀约醉成三。

吕可夫（10 副）

杭州西湖楼外楼

馐饌百年名，醋鱼焖肉味中味；
湖山四时好，烟水画船天上天。

公交车

风雨奔波皆下里，
崎岖颠簸尽中途。

浙江武义古城婺州窑

地褐窑曾三国火，
天青釉自六朝烟。

江西进贤曾湾古村进士馆后民居

柴扉瓦舍，庭树篱花，对碧抚当窗，青珠排闼；
文笔芳邻，锦田密友，有书声洗耳，牛哞安心。

中国历史

五千年风涤浪淘，逝者如斯，朝代无非前后水；
九万里渊渟岳峻，安之若素，江山犹是古今天。

空调

识时务替代天风，闲以春秋，忙乎冬夏；
讨乖巧逢迎人意，趁机寒暑，变态炎凉。

昭君墓

化干戈为玉帛，以红颜出塞安边，巾幗汗须眉，一曲琵琶千古壮；
别桑梓作羁留，遗青冢思乡望月，长河沉落日，两行鸿雁满天愁。

纤夫

竹绳勒肉，芒鞋抓石，躬腰蹬腿埋头，可怜如蚁负蜗背，
号子频催飞洒汗；

水急浪高，滩险湾多，稳舵奋篙击楫，方赢得分移寸进，
人生恰似逆行舟。

洪秀全

未取功名富贵，则取江山社稷，乱世出梟雄，一旦登龙，
半壁东南血流海；

败于淫逸骄奢，亡于内斗江争，私心酿人祸，十年失鹿，
千秋兴废浪淘沙。

扬州何园（寄啸山庄）

结庐效五柳归来，巧安排片石丈山，缕泉尺水，雕楼画榭，
复径回廊，诗酒足风流，容寄啸二分明月；

揽胜宜四时景物，好领略禽啼竹树，鳞戏芙蓉，蛙唱池塘，
虫鸣草野，雨晴皆浪漫，适邀烹一瓮新茶。

周永红（10 副）

彭何观玉皇殿内玉皇坐像

黄老衍斯文，五千言教化人伦，秉承天道；
彭何开此境，四九庙厚遗圣迹，丕显神通。

沂溪古桥

沂水缤纷飞杏雨，
溪光仿佛入桃源。

石山书院大讲堂

玉攻不借他山石，
墨选无遗沧海珠。

石山书院抱柱

浏水飞花，九曲潮声看扑面；
石山琢玉，百年铎响听从头。

槐水留春

槐水古留春，有浣女相携，恍若耶溪移画上；
梓乡今望月，与姮娥对饮，忽如银汉落杯中。

悬空寺

空门空入见空天，揽五云五蕴空悬，色即是空，空即是色；
大岳大观生大觉，幻千界千年大劫，悲亦何大，大亦何悲。

壶口瀑布

问水土侵吞有几，虽万里雄图，唯其勃勃野心，殊难管束；
看河川防堵若何，布千重险障，只此悠悠壶口，莫可钳封。

陈醋

梦中槐蚁，瓮里醢鸡，三千年陈腐化神奇，凭一味酸，消百姓苦；
过尽隙驹，看空庄蝶，八万里繁华演魔幻，虽九城富，犹十室贫。

平遥牛肉

宰天下有如是肉，谒晋中有如是观，若庖丁善解，伊尹善烹，
脍炙固无伦，尤余姓字馨香在；

义当头不昧于心，财唾手不昧于市，似子贡兼儒，陶朱兼仕，
箕裘终勿替，更见乡邦朴厚存。

伏羲

尝百药而制九针，教群氓渔猎婚姻，天水日星循正轨；
定两仪以成八卦，肇万世歌谣文字，江山河岳沐休光。

罗冈（10副）

咏长沙

云山满目，揽千年古迹，廊庙依然，有北海书存，少陵阁在；
春水一篙，游十里湘江，风光无限，忆陶公战舰，贾傅承尘。

题长沙市天心区青园梓枫小学

一派韶光润丹梓，
满园春色拥青枫。

题长沙市雨花区南屏小学画廊

不要人夸颜色好，
每从画展姓名传。

题靖港福建沙县小吃

芦江酒醉四方客，
闽水情调百味香。

题靖港庙湾饭店

酒暖人心，哪分清浊；
我知客味，就爱平常。

题靖港新平堂酒楼

知味停车，佳肴馨动芦江岸；
生财有道，和气风来赣水春。

湘潭湘水缘门联

湘水绕衡云，鱼跃鸢飞，万事随缘真自在；
金盆浮紫气，龙翔凤翥，千峰叠嶂本天然。

挽潘峰（古道）兄

扫榻飞烟，十载相期成一梦；
凌云折翼，几行遗墨恸残篇。

挽言建忠先生

廿载共嚶鸣，噩耗惊传，常忆人前开笑口；
一生崇简朴，遗篇待梓，每从字里识忠心。

挽黄公汉兵先生

便水净嚣尘，五百强中留姓字；
灵山寻正觉，三千界内证因缘。

张建明（10 副）

题墨兰堂

写到才情，墨堪有意求奇趣；
生来素逸，兰本无心动异香。

题手工装裱店

刷带春风，荡涤空虚伸皱面；
浆含意气，黏连岁月作新姿。

题洞天小筑餐饮中心

酒酌花间，云胡惜醉；
欢生筑上，必也加餐。

为乡村某饭店作

放肆行壶，岭上应无老虎；
倾心待客，座中怕有王孙。

题靖州孙氏杨梅

是大绛之身，偏唤成绿色精品；
借靖州之韵，竟写出四海文章。

白糖

快煮慢熬，不教水气有余，只为世人甜心甜嘴；
除渣涤滓，自守冰怀无乱，管他业界论是论非。

伞

防晒防淋，防乖张时偏生破绽；
有皮有骨，有把握处尚可撑持。

棉花

拟雪拟云，道不得个中滋味；
牵思牵绪，竟无非世上缠绵。

哈哈镜

心地有波澜，便观照千番，终究异像；
性天无障碍，纵妖魔万类，犹自清芬。

客机

翼展风云，闲共远行之客；
朋邀日月，情同寄傲之鹰。

黄去非（4副）

题亲家住宅前门

时节清和，喜见高轩迎淑女；
门庭嘉泰，尽倾美酒醉亲朋。

题亲家住宅后门

日丽风和，吉祥如意千般好；
吹笙鼓瑟，喜气盈门百辆来。

题女儿女婿住房

不羨神仙，且喜今生儕鶴侶；
回看岳麓，難忘昨日踏歸途。

題自家門聯

詩詠桃夭完夙願，
人逢喜事綻心花。

聶韻華（2 副）

呈百歲恩師王老超塵先生

澧水有奇花，獨得耶穌點化；
書壇成大器，真如鶴壽綿長。

自題素梅閣

朝臨北海麓山礪，
夜誦東坡水調歌。

卢勇（4副）

挽许倬云先生

一生风雨多，此去遥怜孤月冷；
万古江河在，但悲不见九州同。

光岳楼

江山凭俯仰，纵目招海岱东来，三千里观峻极于天，雄深于地；
风雨立崔嵬，登楼话沧桑无恙，六百年照光华其宝，藻丽其文。

泰山

灵威宣北阙，一山通帝座之尊，问秦松何在，汉碣孰存？
史论早羞封禅稿；

天柱峙东溟，九点散齐烟以视，看石破遥空，霄凌绝顶，
我来犹记杜陵诗。

孟尝君

名并春申信陵平原而著，悲所计在私，事魏事秦皆失据；
门多狗盗鸡鸣兔狡之徒，叹未怀以德，归仁归义两无从。

李意坚（8 副）

悬空寺

悬而避世，
空以栖禅。

黄河壶口瀑布

溅雪喷云，一泻顿生无尽白；
摧山裂石，千年不见一回清。

五台山

闻梵入灵山，五峰佛指伸，人来掌上；
远尘居净地，四月山眉展，绿到云边。

杏花

澹粉轻施，半树晴云浮晓色；
寒芳暗吐，一庭碎玉缀春光。

闻拟重启湘社

自屈贾以来人文益厚，风骚毓此间，三楚何曾空玉种；
于诗书之外血气尤刚，衣钵传吾辈，百年莫使负金声。

茶亭惜字塔

焚燎起浮图以古，惜字忆当年，应是弦歌曾朗朗；
立根缘造化而奇，开枝于石顶，难能树木已森森。

芍药

殿春为婪尾，回春作汤头，原来良药亦名花，草本一株登本草；
弄色系园丁，起色凭妙手，最是岐黄分赤白，心倾终不比倾心。

天心阁

江奔岳立遥供管领，贾谪屈沉以作追怀，踏二千年城郭来
登，凭临易感沧桑换；
市井熙熙远去疮痍，风烟渺渺蔚为气象，倚百十丈楼台与
眺，出表真能物我忘。

求灿霓（8副）

益阳广法寺

九柱腾龙，俯十万红尘，争为名山添胜迹；
众生无相，沐三千法雨，自凭业果证禅心。

乌衣巷

燕子换门庭，问百劫江山，何处遗十里秦淮、六朝粉黛；
世尘遮岁月，剩一川烟雨，凭此忆谢安风范、王导勋名。

布鞋

针挑灯影，线走霜丝，纳慈爱千层，护儿足下三春暖；
青布圆头，白棉衬底，承炎黄一脉，别梦天涯万里行。

汨罗江龙舟节

十里声闻鼓角鸣，看桨影波光，自能寻楚国遗风、湘人本色；
千年史鉴桑田变，问庙堂野陌，谁领略渔翁境界、屈子情怀？

何凤山博士陵墓

道丧则仁德施矣，前事慨然，莫让劫灰空入史；
君轻而社稷次之，后人至此，当思民命大于天。

袁世凯

乱世能度势审时，进可小站练兵，退可洹河垂钓；
平生若铭勋问过，成于共和复汉，毁于洪宪登基。

菌油米粉

香葱点翠、嫩菌提鲜，看碗底乾坤，落日温泉飘玉带；
忆祖母言、寻蒙童迹，似梦中岁月，牵人怅绪到家山。

烟花

将铁血丹心，藏于纸内；
看花容月貌，葬在空中。

毛竹（4 副）

顾炎武

沥胆志逢社稷穷途，天留苍水不亡，便向鲸吞图右衽；
等身书属英雄末事，世知船山可法，为从豹隐寄南冠。

黎简

东樵采石，西樵汲泉，诛茅统五百四峰，淡墨泼青天外雨；
药鼎浮烟，茶鼎凝露，莳竹经万八千日，老瓢浇绿案头风。

召文台

龙輿经大岳而巡，尽携封禅余功，粹藻本为罗士罟；
蜃阁乃沧溟所演，未示坑焚结局，分茅终作戮人刀。

遵化清东陵万佛园

千亩卜燕山，数碑前什么主什么臣，终归宿草一杯，共消磨北阙喧繁，东陵索寞；

百年皈鹫岭，留槛外如此名如此利，直到沧桑几度，休搅扰西天法驾，南海慈航。

郭彦波（4副）

三游洞

处远归造化私藏，洞中元白驰神，玄古烟霞清隐境；
耽幽算膏肓痼疾，峡口欧苏脱蛻，苍峰头角碧波身。

九宫山

道占名山几？一脉收匡庐雨幕阜烟，周天玄象在心，每倚轻筇临绝顶；

功归逝水多，九原拟河洛图玲珑局，当日亢龙埋骨，直须宝篆破迷津。

黄连古村

藩侯第进士乡不独矜名，论武文兼济之遗，今犹听南雷仓沮崇祠尚飨；

娇莺啼芳树被正当引步，望巷陌幽深所在，自宜携诗酒琴箫补阙来游。

孙行者

斗战场未改其衷，累劫不轻经，都积为佛座之高，贝书之厚；
菩提处难求那法，群妖皆欲扫，哪管得人间修作，天上派来。

何为民（4副）

大唐归义军

河湟失陷，安史余辜，附一夫作难非篝火狐鸣，军声使近悦远来，族类齐心，吾其右衽；

治外孤悬，望中犹记，逾千载钩沉剩摩崖彩绘，诗咏寄征蓬归雁，同袍与子，岂曰无衣。

婺源

四围山半隐武陵，并无郭外酒旗，花海远尘嚣，黛瓦粉墙烟火近；
三省界八方辐辏，难得源头活水，崇祠铭古训，朝乾夕惕德声长。

雁荡山

东南绝胜，叠嶂清嘉，引霞客登临，无非石有灵、瀑有声、烟云有态；

花鸟逢迎，归心戾止，除头陀坐化，复次仙留杖、儒留步、
鸿雁留痕。

王审知

乾坤盗满，皆曰义师，附一支伐罪吊民，总归败则窃钩，
成则窃国；

僭伪史称，另当别论，合八闽修文偃武，依旧开门节度，
闭门节衣。

杨定朝（4副）

夜

弯月挑星，钩沉广宇；
有人无事，立到中宵。

腰突

坐久何堪行亦累，
伸时不易屈尤难。

岳屏山挽衡阳抗战阵亡将士

已放雄魂归岳色，
犹存浩气作松声。

岳阳楼

立洞庭兮，一任雨之风之，千年过客；
登斯楼也，聊看忧者乐者，几个范公。

颜资芳（4副）

天心阁

九万里舆图到此开襟，邀岳色涛声，啸傲风云凌楚月；
五千年文脉于斯回响，踵屈踪贾迹，淋漓歌哭鉴天心。

仙桃白马

风浪忒无情，慨义驹拯溺，谁相怜七载其缘，七天而卒；
死生元有命，想世道浇漓，忍与说牲犹如此，人且何堪。

贺第八届海峡两岸青年发展论坛

衣冠南渡，诗礼东传，喜棣棠八度新盟，志趣长同星斗阔；
画桨分波，荷风引袂，寄苏白双堤旧约，襟期正共海潮雄。

京师福州新馆

楼台笼海色，诗酒话乡情，廿四番花信漫吹，榕荫无分新旧雨；
凤阙听潮音，鳌峰收爽气，三百载文枢再振，烟云不废往来踪。

陈伯玲（4 副）

题友人农庄

蔬果四时鲜，径入烟霞，溪流昔引武陵人至；
田园三亩足，闲来诗酒，鸡黍尝邀孟夫子游。

悼李公典绵先生

与公相识足诗缘，当年社课偶逢，说项欣然推后学；
愧我题吟空夜雨，几日春寒正紧，伤怀远矣送先生。

南平会师旧址

庭院尚余龙虎气，
江山终见禹汤天。

《诗词》报千期有贺

不从名望，但看辞章，雅韵故能传，翰墨千期香粤海；
共寄情怀，乐逢师友，笔花今更簇，文华一脉映新时。

谢卫民（4副）

邵阳召伯窑址

斑驳证沧桑，看召伯瓷窑，群迹依然含釉泪；
碗壶传古朴，喜资江风物，千年犹自蕴青花。

柳山风雨桥

车马且从容，任杏雨沾衣、柳风吹面；
田园真静美，在稻花垄上、荠菜溪头。

清河县农耕展览馆

五千年时过境迁，想火种刀耕、雨播风耘，昔事桩桩成旧忆；
万余件馆陈室列，看牛弯鱼杠、水车石磨，此间一一是乡愁。

刘公岛南望

衔悲怀甲午，每恸北洋舰毁，黄海波扬。清季失屏藩，辱
恨声声皆血泪；

亮剑护东南，定教钓岛风平，西沙浪静。神州全版籍，山
河寸寸是龙鳞。

蒋昌典（4副）

富厚堂

富其学，富其韬，挽河山半壁旋马来归，排闥苍峦皆旧识；
厚在诚，厚在拙，隐烟水五湖浮舟小坐，牵衣翠盖待新题。

濠濮亭

凿池漾碧，植竹生寒，留园自可留，逍遥合与鱼同乐；
独坐操琴，友来对弈，小榭怜其小，富贵宁如泥曳涂。

杜甫故里

斑驳墙证才俊风华，乡月自多情，家敞砖窑，魂牵雪鬓；
乱离泪化沧桑词句，文星原有兆，山横笔架，位待霜毫。

展子虔

鱼鳞状水，鹿角形枝，更填青绿几分，并鞍马楼台名标百代；
翠岫笼烟，暖风吹浪，但借赏游一卷，与人物花鸟鼎足三科。

胡暉（4 副）

武汉珞珈山

芳华一霎，念想一生。问淡抹胭脂，似那年花季？
山色半开，湖光半敛。更幽描翠黛，励今日楚材。

印月茶舍

一榻清风宜鼓瑟，
半壶明月湿流光。

天心阁

文昌在前，辈出有才，知上下五千年，天方授楚；
崇烈于后，躯捐为国，使古今三户地，义不帝秦。

云冈石窟

仰五万九千尊，聚此皆为无相；
问高低大小佛，凭谁普度众生。

吴振奇（4副）

岳阳楼

图画一楼收，最美为湖岸春花，波心秋月；
诗文千载诵，凭领略昔闻今上，后乐先忧。

东山寺

鹫峰自西竺飞来，花雨满天，正宿鸟归时，月照禅门风扫径；
鹿苑从东山拔起，慈云绕殿，看木鱼敲处，风翻贝叶月传灯。

《天岳楹联》百期微刊

不必言水浅山高，顺手编来，大展百期文字美；
又何必瞻前顾后，随心写就，纵观两比性情真。

代人挽母

寸草沐春晖，忆曾绕膝庭前，垂荫呵护叨慈竹；
几时伸孝意？痛此酌樽灵右，反哺犹惭对老娘。

贺德荣（2副）

黄昏

近黄昏游泛江湖，舟轻似羽；
学暮色包容过往，心阔如天。

端午

魂兮归来，青粽盈盘，但凭五色牵今古；
逝者已矣，黄醅满盏，犹寄千思慰俊贤。

黄初（4副）

挽长沙某女

早年失怙，中岁沉疴，两代暗伤神，何奈苍天悲至此；
大爱如山，深恩似海，一朝惊遽变，可知老母痛何如。

题羽毛球比赛

腕底生风，一拍凌空开境界；
竿头进步，三招出手绝尘埃。

忆母校

满室书声绕庭树，
一帘竹影映荷塘。

闲居

微雨清风，孤灯一盏；
粗茶淡饭，寡酒三杯。

赖玉怀（4副）

贺莲花镇龙洞诗社成立二十周年

龙洞射文光，廿载耕耘，笺字风骚增岳色；
莲花开胜境，满池高洁，诗声典雅壮湘天。

题高考

苦读寒窗，磨剑十年酬壮志；
精思妙构，纵毫三日射文光。

无为市毛公山

敬姓及山，海拔非高而仰止；
崇文谒洞，《诗经》虽古以陶然。

乡愁

望月生情，乡梦牵肠思故里；
数星消夜，蛩声入耳叹他乡。

雷凡（6副）

题都昌十里桃源

和合景尤多，顾盼乡间，最欣十里桃源，几山烟雨；
都昌春正好，徜徉花下，难忘千娇素靥，百啭黄莺。

挽乡贤湖大岳麓书院原院长陈谷嘉先生

论寿当属高年，论名早传四海，桑梓每关心，此去蓬莱，
应常忆洧水晨澜，云台夜月；

至钦清贫守道，至敬著作等身，湖湘深入笔，何堪耄耋，
为弘扬南轩理学，屈子情怀。

竹笋

避寒冬以储能量，藏厚土而固根基，俟日暖天清，千支竞
起凌云势；

邀丛菊而作朋俦，约疏梅以为伴侣，秉虚心高节，九夏即
多君子风。

春柳

万千条垂绿暗溪桥，莺声响处，犹见蓝天，无闻流水；
一两叶渔舟惊鹭鹭，雪絮飞时，不惟画意，更起乡心。

江畔莲池

是谁如此铺张？竟邀来万千共舞佳人，玉面罗裙，婷婷袅袅；
愧我不谙桑梓，尚未识一处久藏胜境，兰舟鹭影，荡荡悠悠。

挽叶嘉莹先生

是文坛巨匠，诗界宗师，任百年风雨飘摇，不失读书人本色；
钦品似梅花，才追谢女，眺万里京津慨叹，恍闻博学子余音。

刘与权（4副）

曹操

有说其奸，有说其梟，无非雄者；
或称汉相，或称汉贼，确是奇才。

挽中国核潜艇之父黄旭华院士

历卅年隐迹潜踪，移孝为忠，必欲海疆添重器；
听九派含哀作谏，盖棺定论，俱来江汉送英魂。

残荷

俯首不堪伤，想曩者叶绿花红，何期泰去否来，西陆狂摧施肃气；
潜心犹有悟，计今朝韬光养晦，必得岁回律转，东山再起待炎曦。

长沙太傅祠

起自洛阳年少，终为宣室人排，才调无伦，哪堪屈作定王傅；
文章振奋湘中，策论治安天下，长沙有幸，得以常瞻博士祠。

田翔玲（4副）

题柳庄

柳影摇风，长养胸中匡世略；
书声透牖，终成掌上定边功。

李清照

香阶拾翠，菱镜描眉，春衫犹带娇憨气；
冷案填词，残灯伴影，秋鬓难消离乱愁。

庐山

匡庐拔地起，看云横九派，瀑垂千尺，犹赏太白题诗，苏
子品泉，胜境长留宇内；

秀岭接霄来，赏雾锁诸峰，虹挂一桥，但看乐天送客，晦庵讲学，斯文永耀世间。

苏轼

黄州惠州儋州，半生辗转，任风雨苍茫，未改胸中丘壑；
文韵词韵诗韵，一世才情，凭山川寄寓，淹留笔底乾坤。

王朝晖（6副）

游孽龙洞偶感

路旁石笋如花，费半日推敲，入赋还须多面手；
洞里星灯似幻，得一时解脱，出门仍是几凡夫。

挽叶嘉莹老先生

以饱学称奇，忽听那白玉楼中，只有先生能主；
用何诗作挽？仿佛在青灯影里，宛如慈母缝衣。

元宵偶题

和仲甚荒唐，共谁来帐底吹笙，真莫笑一尘随马；
稼轩犹可爱，说等到花香满路，又何须众里寻他。

题书房

泡一盏浓茶，若今宵诗客来时，安排上座；
留几斤腊肉，如此后先生造访，聊备中餐。

代撰族人母逝

衣襟破了又如何？最难忘似豆小灯，入夜常怀慈母线；
萱草忽凋呼怎奈，问谁有宣花巨斧，劈山只忆二郎神。

踏春

碧玉惯妆成，看几眼绿丝，缘此有风因剪得；
春天关不住，骂一声红杏，为何无故出墙来。

魏勇（8副）

题思源学校“启源楼”

画荻丸熊，母爱犹如甘露汁；
发蒙启蔽，童孺元是栋梁材。

题茶亭苏蓼农业公园文化走廊

水漾天香，春雨一犁苏叶嫩；
洲融国色，秋云万顷蓼花红。

题村民组长

官职一何微，带领乡亲需智者；
民情真事大，平衡利益在公心。

题靖港古镇南岸堤福庆寺土地庙

福地佑安康，曾闻紫阁钟声，隔江渔唱；
庆云行化雨，时见芦花活水，柳岸春烟。

生日自题

易负青春，方转首好梦云飞，韶华水逝；
难消残酒，最不堪莺啼耳畔，绿到窗前。

题靖港凌冲抗日烈士陈锡纯故居大门联

壮士去难归，黄浦江寒，倭舰已沉堪遂志；
青山犹未老，蓑衣塘绿，英魂若在可还乡。

题新居大门联

雅自何来，若呼朋二三，当可翠竹摇琴，青梅煮酒；
居非佳处，然堪其风水，亦有岳云过境，洧水环村。

贺望城区湖湘文化交流协会成立十周年

三湘多杰士，数屈贾风流、王魏思潮、更左曾血性、毛刘
魄力，蔚起人文彪史册；

十载著鸿篇，觅铜官窑火、书堂墨韵、拾乔院遗香、沅港
船歌，传承道义奉情怀。

文永龙（4副）

题青云庵

心地即禅关，善念善行，何患青云无路；
性天通佛海，慎微慎独，自能鸿运当头。

题自省亭

正德力行，应胜名山祈福；
反躬自省，可曾暗室欺心？

贺友喜得女孙

至德绍嘉风，传家已卜人中凤；
畅怀书好字，圆梦又添掌上珠。

题桃江一中

热土起弦歌，由湘山而桂园，八十春秋增海岳；
丰碑铭霏泽，拔秀木于榛楚，万千梁栋壮家邦。

萧志国（6副）

乡思

客梦总依稀，古树斜阳，老母倚门抬望眼；
乡心难伺候，山茶村酒，半杯笼袖暖相思。

柳庄

柳坞躬耕，闲里锋芒藏剑匣；
庄庐苦读，静中气象起云台。

西湖

平湖雨霁，曲院风和，粉靥摇香沾露白；
孤山雪凝，南屏钟远，疏枝缀玉映灯红。

题史可法

沥血勤王，撑半壁江山，一身正气终难屈；
舍生取义，铸千秋史笔，万古丹心自有光。

雁门关

隘横绝塞，苔侵古堞掩霜痕，但看驿使鞭头，犹带中原闺妇怨；

雁掠雄关，尘锁残阳凝血色，却闻戍楼笛里，吹来故苑稻花香。

父爱

窗前训读，垄外呼归，早烟锅欲磕顽皮，却将香水喷伤处；
月下倚门，桥头拄杖，老花镜望穿背影，犹把寒衣叠枕边。

谢良健（4副）

图书馆

书藏万卷，馆纳三春，跋涉文山追梦想；
润物无声，成才有道，耕耘学海著篇章。

炎陵红军标语博物馆

标语威严，绝世雄文缘信仰；
今人砥砺，当年大笔见精神。

家风

敬老承恩，道德传家勤立本；
尊亲致远，仁风继世善为根。

庆祝第二届株洲市旅发大会在炎陵胜利召开

旅业拓开广袤，鄱岭发青，洙水流金，雅赏炎陵追梦远；
人文蔚起斑斓，寻源溯史，凝心聚力，正凭盛会沐风和。

谢紫云（4副）

重读纪念母亲百年冥诞《明月春晖》文集

跪乳深思，故里孤山长夜梦；
思亲大爱，坟头双泪一声娘。

题清能臣廉吏陈鹏年古墓重修

怕忆当年，砸像毁碑，冢上奈何生白草；
喜看今日，气新香远，民间无不颂青天。

挽书法篆刻家王振武先生

擅金文，精篆刻，貌古神虚，艺苑流芬生意境；
闻噩耗，怅秋风，星寒月冷，黄花垂泪哭英才。

乙巳入伏数日高温忽降暴雨

初伏何其热，雨泼窗前风乍起；
空调不用开，席凉夜半梦犹酣。

马瑞新（4副）

秋瑾

倡女学女权华夏开先，更龙泉弹缺，鲸浪蹈平，两过东海
怀雄志；

对秋风秋雨肝肠愁断，叹巾帼掀天，头颅掷地，一捧西湖
鉴侠心。

徐霞客

朝碧海而暮苍梧，志在远游，但双屐孤筇，八荒凭揽烟霞秀；
汉张骞并唐玄奘，功酬异代，论考山辨水，一记尤推文字奇。

风波亭

兴亡果天命难违？问千古江山，可忘却南渡仓皇，北伐
壮烈；

忠佞非时人能判，对一亭清寂，恍听来西湖歌舞，东海
风波。

西湖龙井

千秋占天下茶魁，允传西子芳名，但饮露餐霞，幸向湖山
消俗气；

几片分江南春色，凭试东坡新火，更知浓守淡，元来岁月
有余香。